

Si₂ carta a₂ca₂jmo₃ San Pablo ne₄ TITO

Jmo₅ Pa₄ si₂ a₂chein₃ ne₄ Tito

¹ Jniá₂ Pa₄, líng₅ dsa₂ i₂jme₂ti₃ ta₁ ne₄ Diú₄, líng₅ jan₂ dsa₂ i₂chen₄ quián₅ Jesucristo ia₁jaun₂ le₃'én₂ ca₂le₃jín₃ i₂ma₂quión'₂ Diú₄, ia₁jaun₂ le₃cuí'₅ jág₁ tí₅ a₂jiog₅ jui₅ dse₃,

² ia₁jaun₂ jmo₃ 'ín₂ dsí₅ ja₁le₃chain₂ co₂tan₅₄. Diú₄, i₂tsá₃ lé₂ le₃chain₂ tē₂jín₁, ca₂cuë₃ jág₁ quió'₅, a₂ca₂i₃jiog₅ dsí₅ lia'₂ con'₂ né'₃ gué₄ a₂nio₃ mi₂güíg₃, a₂le₃chong₂ jniog₄ co₂tan₅₄.

³ Në₃ gué₄ né₃, ca₂té₂ jmi₄ a₂le₃ne₄ jniog₄ jág₁ dse₃ tē₂le₃ quian'₅₄ jág₁ a₂'é₄ jniá₂ a₂ma₂dsia₃ Diú₄ quián₂ i₂lió₂ o₄gu₃, lia'₂ con'₂ lë₅ 'éi'₃ quió'₅.

⁴ Jmo₅ jniá₂ si₂ la₂ dsiang'₅₄ ne'₅₄ 'ne₂ Tito i₂líng'₅ co₂'nió'₄ jan₂ jón₃ quiáng₃ tē₃dsón'₂, ia₁ 'éin₂ jniog₄ le₃o₃. Jui₁jme₂gu'₅₄ Diú₄ 'ne₂, jui₁'ei₅ tei₄ 'au'₂, jmo₅ Diú₄ Jmei₂ jniog₄, jmo₅ Te₁gui'₅₄ Jesucristo i₂ma₂ca₂lió₂ jniog₄ ně₃.

Ta₁ quió'₅ Tito a₂jmo₃ 'uë₃ Creta

⁵ Ca₂dsián₃ jniá₂ 'ne₂ 'uë₃ Creta ia₁jaun₂ jme₁rë'₂ 'ne₂ a₂'nió'₅ lé₂ gué₄ dse₃, a₂dsiáng'₄ dsa₂ can'₅₄* i₂nio₃ ne₄ jmo₃ 'í₁ le₂caun₂ le₂caun₂ guá'₅ lia'₂ con'₂ lë₅ jág₁ a₂ma₂juá'₃ jniá₂,

⁶ jui₁lia'₂ i₂chan₂ i₂tsá₃ cha₂ jua'₅₄ lé₂ le₃bóg'₂ dsa₂ dso₄, i₂'ñio₅ jan₂ bá₄ dsa₂ mí₂, i₂'ñio₅ chi'₂ quián₅

* ^{1:5} griego: presbúteros.

i₂'én₂, i₁tsá₃ 'e₂ qui₂rë₂'ni₄ jua'₅₄ a₂lë₁qui₂i₂nioi₅₄,
jua'₅₄ nau₂ 'nei₂ né₃.

⁷ Dsa₂ i₂niog₅ gu₂ guá'₅,† ca₂tíin₂ nj₃ le₃ne₄ Diú₄ tsá₃ 'e₂ jág₁ cha₂ jua'₅₄ lé₂ le₃bóg'₂ dsa₂ dso₄, on₃jua'₅₄ i₂tsá₃ jág₁ cán₂, on₃ guë'₂ i₂caun₂ lë,rë'₂ne₂, on₃ guë'₂ 'nió'₅ lén₂ jan₂ dsa₂ 'en₅, on₃ guë'₂ dsa₂ i₂tín₂ dsi₅ 'no₅ mi'₅₄, on₃ guë'₂ dsa₂ i₂lë'₁'nio₃ lí'₂ cu₄ quió'₅ dsa₂ në₃.

⁸ Të₂le₃ 'nió'₅ qui₂guein₃ dsa₂ i₂dsi₁léñ₂ quió'₅. 'Nió'₅ léin₂ jan₂ dsa₂ i₂të₅ dsí₅ jmá'₃ a₂dse₃, li'₅₄ quió'₅, i₂quian₅ caun₂ jui₅ rë₂, i₂jñió₅, i₂con₂ dsí₅ në₃.

⁹ 'Nió'₅ léin₂ jan₂ dsa₂ i₂chan₂ tiá₂ jág₁ tí₅ dsón₂ lia₂ con₂ lë₅ ca₂rë₃tiín₃, ia₁jaun₂ bá₄ lé₂ le₃cuë₃ lián₂ dsí₅ dsa₂ sián₂ jmá₃' lia₂ con₂ lë₅ juá₅ dse₃, lé₂ le₃jme₃'uáin₂ dsí₅ dsa₂ i₂juá₂ 'lig'₅₄ 'ë₂₃ jág₁ dse₃.

¹⁰ Ia₁ juin₅ bá₄ dsa₂ i₂tsá₃ ne'₅₄, i₂dsia₅ jág₁ a₂tsá₃ ta₁ tí₄, i₂juígan₂ ně₃, tě₂le₃ lě₅ gué₄ jě₄ quió'₅ dsa₂ judíos.[‡]

¹¹ Dsa₂ i₂le₂'éi₂ 'en₄ jne₃ dsa₂ mi₂'o₄, ia₁ ta₁jma₃caun₂ cho'₅₄ dsa₂ dsi₂néi₂ ma₂le₁gáin₃ ma₂le₁ág₄ caun₂-tin₃ dsí₅ a₂jme₁ma₂'éin₂, ia₁ i₂'éi₂ i₂nio₄ jme₂tag₂₃ a₂tsá₃ ca₂tiin₂ a₂jnja'₅₄ 'nio₃ lí₂ cu₄ bá₄.

¹² Dsón' ₂ bá₄ dsau₅ ju₁lia'₂ ca₂juá'₂ jan₂ dsa₂ go₅₄ guioin₅₄ ma₂lig'₂ jme₁ca₂juá': “Dsa₂ chan₂ Creta 'ŋio₅ lin₃ tē₂jiin₁, liin₅ ju₁lia'₂ líñ₅ já'₂ tsau₂ dsí₅, juíin'₅, jléin₂ né₃:”

¹³ Jaun₂ tí₅ bá₄ jág₁ ca₂juá_{'2} 'éi₂. Jaun₂ lë₃ juá_{'5} jniá₂
të₂jéin₃ 'ne₂ 'ñio₅ lin₃, ia₁jaun₂ náu₃ táng₃ tsán_{'2} tiá₂
jág₁ dse₃,

[†] 1:7 griego: epískopos. [‡] 1:10 lit. “jë₄ quió'₅ dsa₂ i₂rë₂uìng₄ lo₄.”

14 ia₁jaun₂ tsá₃ ma₃tón'₂ jui₅ jág₁ a₂lë₁'no'₂ dsa₂ judíos dsí₅ guioin₅₄, on₃ guë'₂ 'nió'₅ tón'₂ jui₅ 'e₂ 'éi'₃ cuë₅ dsa₂ i₂tsá₃ ji'₅₄ jág₁ tí₅.

15 Të₂le₃ quió'₅ dsa₂ i₂le₁jë₃ të₂dsí₅, ca₂le₃jë₃ bá₄ cosa ma₂le₁jë₃. La₁ të₂le₃ quió'₅ i₂dsi₂jiog₅ 'lig'₅₄ dsí₅, i₂tsá₃ 'én₂ ně₃, 'i₁caun₂ tsá₃ 'e₂ le₁jë₃. Ia₁ ma₂le₁'iog₄ a₂dsi₂jiog₅ dsi₅₄, le₂jiog₅ a₂qui₂dsi₂jñi₅ dsí₅ ně₃.

16 Juá'₂ bá₄ a₂cu₂in₂₃ Diú₄, la₁ të₂le₃ quian'₅₄ a₂jmo₂₃ guë'₂ ně₃, jáng'₅ léi₄ a₂tsá₃ dsau₅. 'Lig'₅₄ lin₃ bá₄jmo₂₃ ne₄ Diú₄, 'io'₅₄ jág₁ dse₃, 'i₁caun₂ a₂dse₃ tsá₃ ta₁ téin₄ jmo₃.

2

Jui₁lia'₂ juá'₅ tí₅ dsón'

1 La₁ 'ne₂ ně₃, chei'₅₄ dsa₂ lia'₂ con'₂ lë₅ juá'₅ dse₃.

2 Jui₁lia'₂ dsa₂ can'₅₄, jui₁jmo₁₂ 'en₅₄ dsí₅, tsá₃ caun₂ lë₁lin₅, jui₁jmo₁₂ li'₅₄ quió'₅, jui₁le₂'éin₂ bá₄ juá'₅ dse₃, jui₁jme₂'nói₃ riin'₅₄, jui₁jmo₁₂ bá₄ juin'₂ dsí₅.

3 Ján₃ guë'₂ le₂jaun₂ të₂le₃ quió'₅ dsa₂ mí₂ ma₂can'₅₄, jui₁i₂nói₅₄ jñiós₅, tsá₃ jui₁'iin₁₂ riin'₅₄ jua'₅₄ a₂lë₁bóg'₂ dso₄, on₃ guë'₂ 'nió'₅ jme₂tiin₂₃ dsí₅ 'ín'₂ ti₁jmíg₃, të₂le₃ ca₂tiin₂ 'ë₃ caun₂ jui₅ dse₃,

4 ia₁jaun₂ lé₂ le₃jme₃tiin₂₃ jui₁lia'₂ 'io₅₄ chi'₂ 'a₂ lia'₂ jme₃'nói₃ dsí₂i₂gu₂, a₂jme₃'nói₃ chi'₂-guein₂ quiáin₅ ně₃,

5 'a₂ lia'₂ jmo₃ 'en₅₄ dsí₅, 'a₂ lia'₂ jmo₃ léi₄ a₂ma₂le₁jë₃ të₂dsí₅, 'a₂ lia'₂ jmo₃ 'í₁ dse₃ dsí₂néi₂ quió'₅, 'a₂ lia'₂ jmo₃ 'ua₁ dsí₅, 'a₂ lia'₂ tóin'₃ 'éi'₃ quió'₅ dsí₂i₂gu₂ ně₃, ia₁jaun₂ bá₄ tsá₃ 'ein₂ juá'₂ 'lig'₅₄ 'ë₃ jág₁ quió'₅ Diú₄.

6 Ján₃ guë'₂ le₂jaun₂ chei'₅₄ dsa₂ ñe'₂ chi'₂ ca₂tiín₂ jmo₃ 'en₅₄ dsí₅.

7 Jñiá₅ de'₂ 'ne₂ ca₂tíng'₂ 'ë'₅₄ juí₅ dse₃ 'a₂ lia'₂ ca₂tiín₂ jmo₃: A₂jme₁tiin₅ on₃jua'₅₄ a₂cha₂ 'e₂ 'íñ₂ 'au'₂, on₃jua'₅₄ a₂caun₂ lë₁líng'₄,

8 chei'₅₄ jmá'₃ lia'₂ quian'₅₄ jág₁ rë₂ a₂tsá₃ 'ein₂ lé₂ le₃'ë₃ 'lig'₅₄, ia₁jaun₂ le₃gui'₅₄ juí₁lia'₂ dsa₂ i₂nau₂ quen₅, ia₁ tsá₃ 'e₂ cha₂ a₂'ag₃ 'lig'₅₄ jniog₄.

9 Juí₁lia'₂ dsa₂ i₂jme₂ti₃ ne₄ juig₅₄, tioin'₂ jág₁ dse₃ juí₁jme₂ti₃ ca₂le₃jé₃ 'e₂ ta₁ te₂néi'₂ dsa₂ juig₅₄, juí₁jmo₁₂ bá₄ jë₂ a₂të₅ dsí₅ juig₅₄, tsá₃ 'nió'₅ a₂caun₂ lë₁qui₂ñag₃ ne₄ 'éi₂.

10 Tsá₃ 'nió'₅ qui₃jñiá'₂ 'e₂ cha₂ quió'₅ juig₅₄. Ca₂le₃jé₃ bá₄ 'nió'₅ jmo₃ tí₅ jág₁ quió'₅ ia₁jaun₂ bá₄ rë₂ jniá₂ qui₂rë₂lag₄ juá'₅ quió'₅ Diú₄ quián₂ jniog₄ i₂lió₂.

11 Ia₁ ma₂ca₂jme₃jnia₅ Diú₄ a₂'ua₁ dsí₅, a₂lióin₂ bá₄ ca₂le₃jín₃ dsa₂ mi₂güíg₃,

12 jme₂tag₂₃ a₂tí₄ jniog₄ ca₂le₃jé₃ a₂'lig'₅₄, ca₂le₃jé₃ 'íñ₅ dsí₅ dsa₂ mi₂güíg₃ la₂; a₂le₃chong₂ jniog₄ mi₂güíg₃ la₂ 'en₅₄ dsí₅, quián₁ caun₂ juí₅ co₂dsau₅, qui₂rë₂jin'₅₄ jniog₄ ja₁con₂ Diú₄ ně₃.

13 Jme₂tag₂₃ ján₃, a₂'io₁ jniog₄ chi₂jñia₁ a₂'íñ₂ dsí₅ a₂le₃ti₃ jág₁ jlá'₁ jaun₂, a₂le₃jniá₂ a₂co₂tág₅ co₂'né'₅ quió'₅ Diú₄ 'uan'₂, Cristo Jesú_s* i₂lió₂ jniog₄.

14 'Éi₂ ně₃, ca₂jiín'₂ 'ñiog₅ o₄quián₂ jniog₄, ca₂qui₃ ca₂lió₂ jë₄ ca₂le₃jé₃ a₂'lig'₅₄, ca₂chéi₂ jniog₄ ia₁jaun₂ léi₂ jniog₄ dsa₂ juig₂ quiáin₅ 'ñiog₅, a₂dsen₅₄ dsí₅ jmó₁ jmá'₃ a₂dse₃.

* **2:13** o₃, "Jesucristo."

15 Jág₁ nē₅ bá₄ dsia₄ tiá₂ 'au'₂ jmo₄ 'éi'₃ chei'₅₄ dsa₂ qui₁cuë'₅₄ bí₂, a₂të₁jéin'₄ ně₃. Tsá₃ lë₁cuë₂ jmig₄ jua'₅₄ a₂tsá₃ jme₃go₃ dsa₂.

3

Jui₁lia'₂ a₂ca₂tíñ₂ dsa₂ i₂'én₂jmo₃.

1 Chei'₅₄ 'ne₂ jui₁dsiog'₂ bá₄ dsí₅ jui₁tioin'₅₄ 'éi'₃ quió'₅ dsí₂tan₅₄ dsa₂ can'₅₄, jui₁nei₅₄ gau₂ jág₁ quió'₅, jui₁chain₂ co₂jñiai₅₄ a₂jmo₃ ca₂le₃jé₃ ne₅₄ ta₁ dse₃.

2 Tsá₃ jui₁'iín₁₂ 'lig'₅₄ 'i₁jan₂ dsa₂, tsá₃ 'ein₂ 'en₄ jmái'₂ mí'₅₄ ně₃. Jui₁lein₅₄ bá₄ dsa₂ juín'₂ dsí₅, 'ua₁ dsí₅ ja₁con₂ ca₂le₃jín₃ dsa₂.

3 Ia₁ le₂nē₅ bá₄ jme₁lág₄ jniog₄ guio₅₄ le₂jñia₅ ján₃, tsá₃ 'en₅₄ dsí₅, tsá₃ né'₂ jniog₄ ja₁con₂ Diú₄. I₂jme₁ma₂i₂cón'₅ bá₄ jniog₄ jme₁i₂nio₄. Jme₁i₂nio₄ jniog₄ qui₂rë₂'ñei'₅₄ quian'₅₄ ca₂le₃jé₃ ne₅₄ cosa 'lig'₅₄ jme₁'ín₅ dsí₅ jniog₄ jmó₁. 'Nio₅ 'lag'₅₄ jniog₄ jme₁chong₂. Jme₁uig₅ dsí₅ jniog₄, jme₁'iog₅₄ dsa₂ jniog₄, ton'₂ jme₁'ña₅₄ jniog₄ rín'₅₄ le₂jau₂ le₂jau₂.

4 La₁ jme₁ca₂jme₃jnia₅ Diú₄ quián₂ i₂lio₂ ca₂jmo₃ léi₄ a₂'ua₁ dsí₅, a₂'nioi₃ dsa₂ mí₂güíg₃,

5 jaun₂ ca₂lio₂ jniog₄, on₃jua'₅₄ ia₁ 'e₂ dse₃ a₂ma₂jmó₁. Të₂le₃ 'ñiog₅ bá₄ ca₂dsia₃ ñéi₂ dsí₅ jniog₄ ca₂lio₂ të₂le₃ quian'₅₄ a₂qui₂ca₂chéi₂ jniog₄, a₂ca₂rë₃chóng₃ táng₃, a₂le₃chong₂ quián₁ caun₂ jui₅ 'mí₂, ca₂jmo₃ Jme₂dsí₂ Jñiö₅

6 i₂ca₂tein₃ lia'₂ rë₂tsón₂ ne₄ quián₂ jniog₄ të₂le₃ quian'₅₄ Jesucristo i₂lio₂.

7 Të₂le₃ ia₁ a₂'ua₁ dsí₅ ma₂ca₂juá'₂ ně₃, dsa₂ ma₂le₁jín₃ bá₄ jniog₄, jaun₂ guéi'₂ bá₄. Jaun₂ le₂nē₅ bá₄ 'ín₂ dsí₅ jniog₄ guéi₁ ja₁le₃chong₂ co₂tan₅₄.

8 Jág₁ dsau₅ dsón'₂ bá₄ në₅, jaun₂ 'nio₃ jniá₂ caun₂ 'éi₂ 'au₂ caun₂ jme₁tiin₅ jág₁ në₅, ia₁jaun₂ i₂'én₂ le₃quió₅ Diú₄ quín₃ bí₂ jmo₃ a₂dse₃. Ca₂le₃jé₃ cosa në₅ dse₃, tí₅ ta₁ quió₅ ca₂le₃jín₃.

9 La₁ tsá₃ lë₁cuë₂ jmig₄ jua'₅₄ a₂lë₁qui₃ηag₃ dsa₂ jág₁ a₂tsá₃ 'e₂ ta₁ tí₄, jui₁lia₂ jág₁ a₂'in₅ dsa₂ dsa₂ i₂qui₂ma₂jí₂ ma₂lig₂, jui₁lia₂ jág₁ a₂tsin₅ dsa₂ a₂nio₅ mi'₅₄, jui₁lia₂ jág₁ a₂já₅ o₄quió₄ Si₂ 'Éi'₃ në₃. Ia₁ tsá₃ 'e₂ ta₁ jmo₃, tsá₃ 'e₂ ta₁ tí₄.

10 Në₁hua₂ chan₂ jan₂ i₂jmo₅ le₁dson'₅₄ dsa₂, te'₂ co₂ráun₂, tin₃ ráun₂, 'é₃ jág₁ chei'₅₄ tsá₃ dse₃ jmo₃ le₂jaun₂. Chi₂jua₂ tsá₃ tón₂ jui₅ jág₁ quiáng₂, co₂dsia₅ dsein₅₄ jé₄ quián₂ 'nia₂.

11 Jnja'₅₄ lia₂ co₂në₅ bá₄ ma₂ca₂rë₃ŋjí'₅₄ 'ne₂, dsa₂ i₂le₂'éi₂ në₃ tsá₃ ma₃'e₂ dse₃ dsí₂jein₃ dsí₅; të₂le₃ quian'₅₄ dsáu₁ 'ŋiog₅ bá₄ a₂'liog₅ quió₅.

Cuë'₅ jág₁ riin'₅₄ con'₂ ca₂tiin₂ guioin₅₄

12 Jé₁ma₂të₂ rë₁tsin₅₄ jniá₂ i₂chen₂ Artemas ne'₅₄, o₃ i₂chen₂ Tíquico 'e₂, në₅ i₂ŋe'₂ dsí₂jui₅ i₁jag₄ jui₅ Nicópolis, ia₁ ja₁jaun₂ ma₂i₂jiog₅ dsí₃ ŋig₅₄ jein₂ güíg₂.

13 Zenas i₂chén₅ ne₄ jág₁, quian'₅₄ Apolos në₃, 'a₂ con'₂ lé₂ quiáng₂ jme₁'oin₁₂ 'a₂ con'₂ jnja'₅₄ len₅ quió₅ tioin₅₄ jui₅.

14 Jui₁le₂tin₂ bá₄ dsa₂ quián₂ jniog₄ jmo₃ a₂dse₃ jme₂'oin₅₄ riin'₅₄ jui₁lia₂ jme₁'nió₅, ia₁ con'₂ tsá₃ ŋó₅ në₁tsá₃ 'e₂ dse₃ ca₂rau₂ lia₂ chain₂.

Ág'₅ jág₁ jé₁ca₂tó'₂, cuag₂₃ Diú₄ në₃

15 Ca₂le₃jín₃ i₂quian'₅₄ jniá₂ ja₁lá₃ chein₂₃ jág₁
a₂cuīn₂₃ Diú₄ 'ne₂. Cuīn₅₄ Diú₄ ca₂le₃jín₃ i₂'nio₃
jniog₄ i₂'én₂. Jui₁jme₂gu'₅₄ bá₄ Diú₄ 'nia'₂ ca₂le₃jíng'₃.
Co₂në₅.

**Jag₁ 'mí₂ a₂ma₂li'₅₄ quian'₅₄ Diu₄
New Testament in Chinantec, Tepetotutla
(MX:cnt:Chinantec, Tepetotutla)**

copyright © 1994 Wycliffe Bible Translators, Inc.

Language: Chinantec, Tepetotutla

Translation by: Wycliffe Bible Translators, Inc.

Chinanteco, Tepetotutla [cnt], Mexico

Copyright Information

© 1994, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chinantec, Tepetotutla

© 1994, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files
dated 30 Dec 2021
5c52af9e-3086-5d57-9b7e-2e495fea8899